

## E C S O D U S.

dean dhuinne dèe a théid romhainn, oir a *thasbh* a' Mhaois fo, an duine a thug a nìos sinn a talamh na h-Eiphit, cha 'n'eil fhios againn ciod a thàinig air<sup>a</sup>.

2 Agus thubhairt Aaron riu, Brisibh<sup>b</sup> dhibh na cluas-fhailean òir a *ta* ann an cluasaibh bhur ban, bhur mac, agus bhur nigh-eana, agus thugaibh am' ionn-fuidhs' *iad*.

3 Agus bhris an sluagh uile dhiubh na cluas-fhailean òir a *bha* 'nan cluasaibh, agus thug iad gu h-Aaron *iad*.

4 Agus ghabh e *iad* as an làimh; agus chum se e le inneal-gearraidh<sup>c</sup>, 'an déigh dha laogh leaghta dheanamh dheth, agus thubhairt iad, Sin do dhée, o Israel, a thug a nìos thu a talamh na h-Eiphit.

5 Agus an uair a chunnaic Aaron e, thog e altair fa chomhair, agus thug Aaron gairm, agus thubhairt e, *Is là féisd*<sup>d</sup> am maireach do'n Tighearna.

6 Agus dh'éirich iad suas gu moch air an *là* maireach<sup>e</sup>, agus thug iad suas tabhartais-loisgte, agus thug iad leo tabhartais-sìth: agus shuidh an sluagh sìos a dh'itheadh agus a dh'òl, agus dh'éirich iad suas gu fùgradh<sup>f</sup>.

7 Agus thubhairt an Tighearna re Maois, Imich; falbh sìos; oir thruaill do shluagh, a thug thu mach a talamh na h-Eiphit, *iad féin*.

8 Chlaon iad gu grad o'n t-slighe a dh'aithn mise dhoibh: rinn iad dhoibh féin laogh leaghta; agus rinn iad aoradh dha, agus thug iad suas iobairtean

dha, agus thubhairt iad, Sin do dhée, o Israel, a thug a nìos thu a talamh na h-Eiphit.

9 Agus thubhairt an Tighearna re Maois, Chunnaic mis' an sluagh fo, agus feuch, is sluagh rag-mhuinealach<sup>g</sup> iad.

10 Anis uime sin leig leam, agus lasaidh mo chorruich 'nan aghaidh, agus claidhidh mi iad: agus ni mi dhìotfa cinneach mòr.

11 Agus ghuidh Maois air an Tighearna a Dhia, agus thubhairt e, C'ar son, a Thighearna, a ta do chorruich a' lasadh 'an aghaidh do shluaigh, a thug thu mach a talamh na h-Eiphit le cumhachd mòr, agus le làimh thréin?

12 C'ar son a labhradh na h-Eiphitich, ag ràdh, Le droch rùn thug é mach iad, a chum am marbhadh 'fna beanntaibh, agus an claidh bhàrr aghaidh na talmhainn? Pill o d' chorruich ghairg, agus gabh aithreachas do'n olc fo 'an aghaidh do shluaigh.

13 Cuimhnich air Abraham, Isaac, agus Israel do theirbhich, d'an d'thug thu mionnan ort féin, agus r'an d'thubhairt thu, Ni mi bhur sìochd lionmhòr mar reulta néimh, agus am fearann so uile m'an do labhair mi, bheir mi d'ar sìochd-fa, agus fealbhaichidh iad e gu sìor-ruidh.

14 Agus ghabh an Tighearna aithreachas do'n olc a thubhairt e gu'n deanadh e air a shluagh.

15 Agus thionndaidh Maois, agus chaidh e sìos as an t-*liabh*,

<sup>a</sup> ciod is cor dha.

<sup>b</sup> Brisibh.

<sup>c</sup> inneal-breacaidh, inneal-duisaidh.

<sup>d</sup> féill, cnirm.

<sup>e</sup> an làr na mhàireach.

<sup>f</sup> mireadh, ciuiche, cleasach.

<sup>g</sup> cruaidh-mhuinealach.